

## Rettleiing til utfylling av personopplysningsblanketten for tryggleiksklarerast

### Viktig informasjon til deg som skal tryggleiksklarerast.

Les denne rettleiinga nøyde, og ta deg god tid når du fyller ut blanketten. Dersom du har spørsmål om utfylling som ikke blir dekte i denne rettleiinga, ber vi deg om å kontakte den som gav deg blanketten, den autorisasjonsansvarlege eller den som har myndighet til autorisasjon i verksemda. Dersom det er noko du er usikker på om du skal opplyse om, ber vi deg om å føre det opp. Ved å vere open bidreg du til å redusere tryggleiksrisikoen.

Når du har samtykt til personkontroll, fyller du ut personopplysningsblanketten med informasjon om deg sjølv og dei nærstående. Opplysningane blir i samsvar med forskrift om sikkerheitsklarering og annen klarering (klareringsforskrifta) § 8 henta inn frå relevante register (inkludert folkeregisteret og registera til kreditt-, politi- og tryggleiksstyresekretærene). Referansefråsegner kan også bli henta inn. Informasjonen du gir, blir brukt til å behandle førespurnaden om tryggleiksklarerast, og han blir brukt i samband med autorisasjon, jf. tryggleikslova § 8-4. Opplysningane vil bli behandla og verna i samsvar med dei krava som følgjer av tryggleikslova med forskrifter. Les elles det som står om samtykke til personkontroll på side 1 på blanketten.

I særleie tilfelle vil det vere nødvendig å klarere personar under 18 år – til dømes når ein ønskjer å nytte lærlingar i stillinger som gir tilgang til skjermingsverdig informasjon. Dersom du som skal klarerast, er mindreårig, er det stilt krav om at foreldra dine eller dei føresette samtykkjer i at vi gjennomfører ein personkontroll. Dette skjer ved at foreldra dine eller dei føersette saman med deg set seg inn i og har forstått kva det vil seie å gjennomføre ein personkontroll og å ha ei tryggleiksklarerast. Klareringsstyremakta kan gi nærmare informasjon om kva ein personkontroll omfattar av undersøkingar, juridiske sider ved klareringsprosessen og konsekvensar av å gi feilaktige opplysningar. Deretter signerer dere dokumentet «Samtykke til personkontroll av personar under 18 år».

Foreldre eller føresette som samtykkjer i personkontroll, har ikkje rett til å krevje innsyn i kva opplysningar du som skal tryggleiksklarerast, skriv på personopplysningsblanketten.

Dersom det oppstår endringar i nokon av dei opplysningane du har ført opp på blanketten, skal du omgåande varsle dette til den autorisasjonsansvarlege eller den som har myndighet til autorisasjon i verksemda. Dette gjeld gjennom heile klareringsperioden, jf. tryggleikslova § 8-11.

Klareringsstyremakta vil i behandlinga legge til grunn at du har lese og forstått denne rettleiinga. Det er viktig at du svarer ærleg på spørsmåla på personopplysningsblanketten. Mangelfull utfylling av blanketten kan tolkast som at du prøver å halde tilbake informasjon (overfor klareringsstyremakta og den autorisasjonsansvarlege), og kan føre til ei negativ klareringsavgjerd.

Personopplysningsblanketten vil bli behandla elektronisk etter utfylling. Hald kvar bokstav og kvart tal innanfor felta på blanketten, og la det vere mellomrom mellom namn/ord. Svar på alle spørsmål, og gi beskrivingar/utgreiingar der det blir spurta om det. Ikkje merk eller strek ut delar av blanketten du ikkje har nytta.

Personopplysningsblanketten har mange ja/nei-spørsmål. Svarer du «Ja» på nokon av dei, må du gjere greie for kva det er snakk om, på den aktuelle staden på blanketten. Dersom eit svar ikkje får plass i det aktuelle feltet, bruker du merknadsfeltet (punkt 22) i blanketten eller eit eige ark som vedlegg til blanketten.

Det aktuelle klareringsnivået for deg avgjør kva personar du skal gi opplysningar om på personopplysningsblanketten:		
Klareringsnivå	Kven inngår i personkontrollen?	
– KONFIDENSIELT (K) – NATO CONFIDENTIAL (NC)	Personen som skal klarerast.	Personkontroll av nærståande kan gjennomførast i særlege høve, og/eller dersom opplysningar i personkontrollen tilseier
– HEMMELEG (H) – NATO SECRET (NS)	Personen som skal klarerast og noverande sambuar/ektefelle/partnar.	
– STRENGT HEMMELEG (SH) – COSMIC TOP SECRET(CTS)	Personen som skal klarerast og nær familie	

**Definisjon av nærståande**

I personopplysningsblanketten og i denne rettleiinga er omgrepet nærstående brukt ei rekje gonger.

Nærstående vil seie personar som er i nær familie, eller som har ei anna nært tilknyting som kan påverke om ein person er skikka ut frå tryggleiksomsyn, jf. klareringsforskrifta § 2.

➤ *Nær familie* vil seie:

- noverande ektefelle, partner eller sambuar – personar som lever saman i eit ekteskapsliknande forhold
- barn (inkl. stebarn, adoptivbarn og fosterbarn) – adoptivbarn er likestilte med biologiske
  - Stebarn: Barn av den noverande sambuaren/ektefellen/partnaren, som du ikkje er mor/far til, men som har hatt heile eller delar av oppveksten før fylte 18 år saman med deg.
  - Fosterbarn: Barn som har vakse opp heilt eller delvis hos deg i ein fosterheim som er tildelt av barnevernstenesta, og som du framleis er knytt til.
- foreldre (inkl. steforeldre, adoptivforeldre og fosterforeldre). Her fører du opp dei juridiske foreldra dine. Dersom du er adoptert, er adoptivforeldra dei juridiske foreldra dine. Ste- eller fosterforeldre kan komme i tillegg til foreldre eller som dei einaste omsorgspersonane.
  - Steforelder: Ein sambuar, ektefelle eller partner til ein av foreldra dine, som ikkje er din forelder, men som du har vakse opp med (heilt eller delvis) fram til du fylte 18 år.
  - Fosterforeldre: Omsorgspersonar du har vakse opp med eller delt bustad med i ein fosterheim som er tildelt av barnevernstenesta, og som du framleis er knytt til.
- søsken (inkl. halvsøsken, stesøsken, adoptivsøsken og fostersøsken) – adoptivsøsken er likestilte med biologiske
  - Stesøsken: Barn av den noverande sambuaren/ektefellen/partnaren til mora di eller faren din (steforelder), som du har delt heile eller delar av oppveksten din med før du fylte 18 år.
  - Fostersøsken: Personar som har vakse opp heilt eller delvis saman med deg i ein fosterheim som er tildelt av barnevernstenesta, og som du framleis er knytt til.

➤ *Anna nært tilknyting* vil seie personar du har eit tett personleg forhold til, jamleg privat omgang med eller anna tilknyting av liknande karakter som personar i nærfamilie eller sambuarar. (Dette kan til dømes vere kjærast, tidlegare sambuar, foreldre til felles barn under 18 år og nære venner.)

Dersom du ikkje har kontakt med éin eller fleire av dei nærståande, eller av andre grunner ikkje kan skaffe informasjon om dei, opplyser du om dette i punkt 22, ev. i eit eige vedlegg.

Nærståande som er døde, skal berre førast opp i personopplysningsblanketten med for- og etternamn.

**2 Personalia**

2.1– 2.2	Fyll ut heile fødselsnummeret (dd.mm.åå og personnummer). Hugs å krysse av for kjønn og. Dersom du er utanlandsk statsborgar utan norsk personnummer, fyller du ut fødselsdato (dd.mm.åå). Skriv D-nummer (11 siffer) dersom du ikkje har fødselsnummer. D-nummer er eit mellombels identitetsnummer som kan tildelast utanlandske statsborgarar.	
2.3	Døme: Dersom du heiter Tom Holt Ryan, skal berre Ryan stå i punkt 2.3.	
2.4	Tom Holt skal du skrive i punkt 2.4.  Dersom du heiter Tom Holt-Ryan, skal Holt-Ryan stå i punkt 2.3.  Tom skal du skrive i punkt 2.4.	Tidlegare namn: Du må føre opp tidlegare namn og dato for namnebyte.
2.5		
2.6	Du må føre opp bustadadresse og frå kva år du har budd på den noverande bustadadressa.	
2.7		
2.8	Dette gjeld uavhengig av kvar posten din blir send.	
2.9		
2.10	Skal berre fyllast ut dersom postadressa er ei anna enn bustadadressa.	
2.11		
2.12		
2.13		
2.14	Skriv når du fekk den gjeldande postadressa.	
2.15		
2.16	Skriv aktive telefonnummer.	

## Rettleiing til utfylling av personopplysningsblanketten

2.17	Skriv både fødeby/-stad og fødeland.
2.18	
2.19	Skriv e-postadressa du nyttar.
2.20	Er du norsk statsborgar, treng du ikkje føre opp passnummer eller leggje ved kopi av pass. Legg ved kopi av gyldig utanlandsk pass dersom du har statsborgarskap frå andre land enn Noreg. Før opp passnummer ved utanlandsk statsborgarskap. Ved dobbelt statsborgarskap skal du svare «Ja» på punkt 2.22 og skrive det andre statsborgarskapet ditt der.
2.21	Skriv kva dato du fekk det noverande statsborgarskapet. Dersom du fekk statsborgarskapet ved fødselen, kryssar du av for «Ved fødsel».
2.22	Dersom du har statsborgarskap frå andre land, skriv du kva land det gjeld, passnummer og dato for statsborgarskapet. Dersom du har fleire enn to statsborgarskap, nyttar du eit eige ark. Dersom du har kryssa av for «Usikker», gjer du greie for dette og skriv kva land du er usikker på om du har statsborgarskap frå.
2.23	Dersom du tidlegare har hatt statsborgarskap frå andre land, skriv du kva land det gjeld, passnummer og dato for statsborgarskapet. Dersom du tidlegare har hatt fleire enn to statsborgarskap, nyttar du eit eige ark. Dersom du har kryssa av for «Usikker», gjer du greie for dette og skriv kva land du er usikker på om du har statsborgarskap frå.
<b>Utanlandsopphold og bustadadresse utanfor Noreg dei siste ti åra</b>	
Spørsmålet om bustadadresse i utlandet skal fyllast ut fleire stader i personopplysningsblanketten. Det er viktig at adressa blir skriven rett, så les nøyne korleis du skal skrive adressa.	
Dersom du og nokon av dine nærståande du har namngitt i personopplysningsblanketten har hatt utanlandsopphold på til saman eitt år eller meir i det same landet og innanfor dei siste ti åra, skal opphaldet førast opp med fullstendig bustadadresse. Dette kan dreie seg om eitt opphold som går over eitt år, eller det kan vere fleire opphold i det same landet som til saman er eitt år eller meir (til dømes utanlandsstudium).	
2.24	<p>Med utanlandsadresser meiner vi adresser utanfor Noreg.          Skriv fullstendig bustadadresse i utlandet: gatenavn/gatenummer/husnummer, stadnamn/postnummer, land og tidsrom for opphaldet.          Postboksalresse er ikkje nok. Namn på (eller adresse til) ein studieinstitusjon, ein ambassade eller ei militær avdeling er heller ikkje tilstrekkeleg.</p> <p>Ved bustadadresser i utlandet skal du leggje ved utskrift frå Google Maps eller andre liknande karttenester for at vi skal kunne verifisere adressa.</p>
2.25	Postnummer/postkode zipcode er ein kode som hjelper postverka å sortere post automatisk. <i>Oppbygginga av kodane varierer frå land til land.</i>
2.26	Skriv by/stad (poststad)
2.27	Skriv land
2.28	Døme: 09.12 til 11.15
<b>3 Sivilstatus</b>	
3.1	<p>Her skal det berre vere éi avkryssing. Det er den noverande statusen din du skal krysse av for.</p> <ul style="list-style-type: none"> <li>Dersom du til dømes er skild, men har ny sambuar, kryssar du av for sambuar.</li> </ul> <p>Med sambuar meiner vi ein person som bur saman med ein annan i eit ekteskapsliknande forhold.</p>
Dersom det oppstår endringar i sivilstatusen din, skal du varsle med ein gong til den autorisasjonsansvarlege eller den som har fått delegert myndighet til autorisasjon i verksmeda, jf. tryggleikslova § 8-11. Omfattar ein personkontroll opplysningar om ektefelle, partner eller sambuar og den klarerte inngår eit nytt ekteskap, partnarskap eller sambuarskap i den tida klareringa gjeld for, skal klareringsstyresmakta gjennomføre ein personkontroll av den nye ektefellen, partnaren eller sambuaren og vurdere om klareringa kan førast vidare.	
<b>4 Familieforhold</b>	
4.1/ 4.2	Opplys om du har barn (inkludert ste-/fosterbarn) og/eller søsken (inkludert halv-/ste-/fostersøsken), og kor mange. Adopterte barn og søsken er likestilte med biologiske. <i>Sjå definisjonen av nærståande på side 2.</i>
<b>5 Utdanning</b>	
5.1	
5.2	Skriv berre opplysningar om den høgaste utdanninga di. Dersom du har fleire utdanninger på same nivå, fører du opp dei to siste.
5.3 5.4	Skriv òg kva land studiet blei gjennomført i, fullstendig adresse og når (frå-til /mmåå).
<b>6 Arbeidserfaring dei siste ti åra</b>	

## Rettleiing til utfylling av personopplysningsblanketten

Du skal òg føre opp kortvarig arbeid som helge- og sommarjobbar.	
6.1	
6.2	Før opp den noverande arbeidsgivaren din, adresse/tenestested, stilling, land og tidspunktet for starten av arbeidsforholdet (mm.åå).
6.3	
6.4	
6.5	
6.6	Før opp eventuelle andre arbeidsgivarar (inkludert næringsinteresser) og adresse/tenestested.
6.7	
6.8	
6.9	Før opp tidlegare arbeidsgivarar dei siste ti åra med fullstendig adresse/tenestested, stilling, land og tidsperiode for arbeidsforholdet (frå-til/mmåå). (Før det siste arbeidsforholdet øvst.)
<b>7 Strafferettslege forhold i Noreg og utlandet</b>	
Her skal du føre opp alle forhold i notid eller fortid, uavhengig av kor gammalt forholdet er. Du skal opplyse om <u>alle</u> strafferettslege forhold, uavhengig av om dette kjem fram på politiattestar eller liknande.	
Har du spørsmål som gjeld dette, tek du kontakt med den autorisasjonsansvarlege. Dersom du har kryssa av for «Ja» på nokon av spørsmåla i punkt 7, skal du gjere greie for omstenda, når saka oppstod, og kva utfall saka fekk. Dersom saka ikkje er avgjord, ber vi deg opplyse om status i saka.	
7.1	<p><b>Politimeld:</b> Politimelding er den formelle handlinga som blir gjord når ein juridisk person fremjar ei sak for politiet om eit lovbro.</p> <p>Her skal du føre opp alle tilfelle der politiet eller andre har meldt deg.</p> <p>Du skal opplyse om politimeldingar sjølv om dei seinare er trekte tilbake eller lagde vekk.</p> <p>Opplys òg om saker der du veit eller trur at du har / har hatt status som mistenkt.</p>
7.2	<p><b>Sikta:</b> Den mistenkte får stilling som sikta når påtalemakta har erklært han/henne for sikta, eller når ei åtgjerd mot han/henne er innleidd ved retten, eller det er bestemt eller gjennomført pågriping, ransaking, beslag eller liknande forholdsreglar som er retta mot han/henne.</p> <p><b>Tiltalt:</b> Ein person får status som tiltalt når tiltaleavgjerda er skrivne ut. Same status får personen når eit ikkje vedteke førelegg blir sendt til retten for dom i medhald av straffeprosesslova § 268. Her skal du òg opplyse om siktningar/tiltalar som seinare er fråfalne.</p>
7.3	<b>Vekklegging:</b> Avgjerd frå påtalemakta om å avslutte saka utan reaksjon.
7.4	<b>Konfliktråd:</b> Behandling og avgjerd for enkelte typar straffesaker. Straffesaker som er avgjorde i konfliktråd, blir registrerte i registera til politiet.
7.5	<b>Påtaleunnlating:</b> Påtalemakta unnlèt å reise tiltale for ei straffbar handling, sjølv om ein reknar det som beivist at ein sikta er skuldig, jf. straffeprosesslova § 69.
7.6	<p><b>Førelegg:</b> Førelegg kan brukast der påtalemakta meiner at ei sak bør avgjerast ved <i>bot</i> og/eller inndraging i staden for å reise tiltale, jf. straffeprosesslova § 255.</p> <p><b>Bot:</b> Ei bot er ein straffereaksjon som vil seie at den dømde blir pålagd å betale eit bestemt beløp til det offentlege for lovbrotet sitt. Ein kan få bot saman med fengsels-/samfunnsstraff og rettsstraff.</p> <p><b>Forenkla førelegg (FF):</b> FF må ikkje forvekslast med førelegg som det er etterspurnad om i pkt 7.6, difor en kort forklaring om FF. Forenkla førelegg blir brukt ved «mindre» straffbare handlingar, mellom anna for ein del lovbro i trafikken. Politiet kan gje FF på staden. FF blir ikkje registrerte i bøte- og strafferegisteret.</p>
7.7	<p><b>Domfelt:</b> Ein dom er ei rettsleg avgjerd som blir teken av ein domstol. I straffesaker vil dommen fastsetje om den tiltalte er skuldig eller ikkje, og kva straff han eller ho eventuelt skal få.</p> <p>Du skal føre opp alle dommar du har fått, uavhengig av behandlingsmåte og kva du blei dømd til. Du skal derfor føre opp både tilståingsdommar og dommar som er gitt etter hovudforhandling. Du skal føre opp dommar utan vilkår (dom på fengselsstraff), dommar på vilkår (dom på fengselsstraff med prøvetid), samfunnsstraff/samfunnsteneste og dom på førelegg.</p>
7.8	<p><b>Disiplinær refsing eller ordensstraff:</b> Reaksjon frå arbeidsgivaren i eit tilsetjingsforhold.</p> <p>Disiplinær refsing blir gitt ved teneste i Forsvaret.</p> <p>Ordensstraff kan vere skriftleg irtettesetjing, tap av ansienitet eller omplassering til ei anna stilling.</p>
<b>8 Økonomi</b>	
8.1	Ein <b>kreditor</b> er den som har eit økonomisk krav mot deg, til dømes ein bank som har lånt deg pengar, eller eit firma du har handla med. Dersom eit krav har gått til <b>inkasso</b> , vil det seie at betalingsfristen på ein ubetalt faktura har gått ut, og at eit inkassoselskap har teke over oppfølginga av kravet. <b>Tvangsinndriving</b> vil seie at styremaktene hjelper ein kreditor med å krevje inn det du skuldar.

## Rettleiing til utfylling av personopplysningsblanketten

	<p>Vi ber deg opplyse om eventuelle saker du har hatt som debitor (den som skuldar pengar til kreditor) i forliksrådet, og om eventuelle betalingsavtalar du har hatt med inkassoselskap eller kreditorar. Opplys om tidspunkt. Opplys òg om du har vore i kontakt med ein økonomisk rådgivar i kommunen, Namsmannen eller privat økonomisk rådgiving, og resultatet av dette.</p>
8.2	<p><b>Konkurskarantene</b> kan ein få dersom det er skilleg grunn til mistanke mot ein person for ei straffbar handling i samband med konkurs, eller mot den verksemda som har ført til insolvensen (ubalanse og manglende evne til å betale gjeld). Dei straffbare forholda som kan grunngi karantene, må altså vere knytte til verksemda eller vere gjorde i samband med konkursen. Avgjerder om konkurskarantene blir tekne av skifteretten/tingretten. Opplys om når og i kva tilfelle du har fått konkurskarantene, og om karantenen framleis er gyldig.</p>
8.3	<p>Opplys kor stor gjeld du har teke opp for å finansiere <b>pengespel</b> eller for å dekkje tap i pengespel. Opplys òg om du har gjort nedbetalingar av denne gjelda, og korleis gjelda påverkar / har påverka den økonomiske situasjonen din. Beskriv korleis du finansierer / har finansiert pengespellet.</p>
8.4	<p><b>God:</b> Du har ingen problem med å handtere daglege utgifter. Du betaler rekningane dine i tide, og du kan handtere uføresette utgifter og renteauke.  <b>Handterbar:</b> Du handterer daglege utgifter, men kan få problem ved uføresette utgifter og/eller renteauke. Andre tilfelle av handterbar økonomi kan vere at du i periodar bruker meir pengar enn du tener, slik at du opparbeider deg gjeld og/eller tek opp forbrukslån.  <b>Vanskeleg:</b> Dei daglege utgiftene dine er høgare enn inntekta di.  <b>Veit ikkje:</b> Du har ikkje oversikt over den økonomiske situasjonen din.</p>
<b>9 Rus- og dopingmiddel</b>	
9.1	<p>Dersom du har svart «Ja» på dette spørsmålet, ber vi deg gjere greie for negative reaksjonar frå andre på grunn av alkoholbruken din. Med andre meiner vi venner, familie, arbeidsgivar/kollegaer, personar frå styresmaktene e.l. Gjer greie for talet på reaksjonar, frekvensen på reaksjonar, tidspunkt og omstenda som førte til dei negative reaksjonane på alkoholbruken din.</p>
9.2	<p>Dersom du har svart «Ja» på dette spørsmålet, ber vi deg gjere greie for negative hendingar der alkoholbruken din har vore ei medverkande årsak. Gjer greie for talet på hendingar, frekvensen på hendingar, tidspunkt og omstenda som førte til dei negative hendingane.</p>
9.3	<p>Grei ut dersom du bruker eller har brukt narkotiske stoff. Dersom du har prøvd eller brukt narkotiske stoff skal du gjere greie for når det skjedde, i kva samanheng, kor mange gonger, kva type narkotiske stoff, og når du sist prøvde/brukte rusmiddelet.  Har du ikkje nokon gong brukt narkotika, opplys om dette i punkt 9.3.</p>
9.4	<p>Grei ut dersom du bruker eller har brukt doping. Dersom du har prøvd eller brukt dopingmiddel, skal du gjere greie for når det skjedde, i kva samanheng, kor mange gonger, kva type dopingmiddel, og når du sist prøvde/brukte dopingmiddelet.  Har du ikkje nokon gong brukt dopingmiddel, opplys om dette i punkt 9.4</p>
9.5	<p>Beskriv haldninga di til narkotika og doping.  Som narkotika reknar vi ulovlege stoff, og i denne samanhengen viser vi til forskrift om narkotika (narkotikaforskrifta), som er fastsett av Helse- og omsorgsdepartementet.  Doping er å forstå som medikament ein tek for å oppnå prestasjonsfremjande effekt. Kva som er å rekne som dopingmiddel, er definert i forskrift om hva som skal anses som dopingmidler, jf. § 2, fastsett av Helse- og omsorgsdepartementet.</p>
9.6	<p>Grei ut dersom du i løpet av dei siste ti åra har fått munnlege og/eller skriftlege negative reaksjonar frå andre på omgangen du har hatt med narkotika, legemiddel og/eller dopingmiddel. Med andre meiner vi venner, familie, arbeidsgivar/kollegaer, personar frå styresmaktene e.l. Vi ber deg gjere greie for kva type reaksjon(ar) du fekk, omstenda rundt reaksjonen/-ane og eventuelle årsaker. Grei vidare ut dersom du nokon gong har vore involvert i negative hendingar der bruken din av narkotika, legemiddel og/eller dopingmiddel har vore ei medverkande årsak til hendinga. Vi ber deg gjere greie for omstenda rundt hendinga(ne) og årsaka/-ene til at hendinga(ne) oppstod.</p>
9.7	<p>Grei ut dersom du dei siste ti åra har hatt ein individuell Akan-avtale med arbeidsgivaren din. Utgreiinga må innehalde omstenda avtalen blei inngått under, når han blei inngått, og kva oppfølging du har fått / fekk på arbeidsplassen din. Ein individuell Akan-avtale er eit tilbod til tilsette som har utvikla eller er i ferd med å utvikle eit problematisk forhold til rus eller pengespel.</p>
9.8	<p>Grei ut dersom du dei siste ti åra har vore i kontakt med eller snakka med helsepersonell, eller har fått noka form for behandling på grunn av eit problematisk forhold til alkohol, narkotika, dopingmiddel eller legemiddel. Vi ber deg gjere nærmare greie for når dette var, kor lenge utgreiinga og/eller behandlinga varte, og kva type utgreiing og/eller behandling dette gjaldt.</p>

## Rettleiing til utfylling av personopplysningsblanketten

<b>10 Helseopplysningar</b>	
10.1	Grei ut dersom du i løpet av dei siste ti åra har vore til utgreiing for og/eller har fått behandling for psykiske lidingar, plager eller forstyrringar. Vi ber deg gjere nærmare greie for tidsperioden du var til utgreiing og/eller fekk behandling, kvar det skjedde, kva type utgreiing og/eller behandling du var til, og om utgreiinga og/eller behandlinga er avslutta eller framleis er i gang.
10.2	Grei ut dersom du har eller har hatt ein sjukdom i løpet av dei siste ti åra som kan påverke kor årvaken du er, og vurderingsevna di.
10.3	Grei ut dersom du jamleg bruker medikament som kan påverke kor årvaken du er, og vurderingsevna di. Dette kan til dømes vere medikament med biverknader som fører til ulike gradar av forvirringstilstand, konsentrasjonsvanskar m.m. Grei òg ut dersom ei eventuell unnlating av å ta medisinar kan påverke kor årvaken du er, og vurderingsevna di. Undersøk pakningsvedlegg på medikament du nyttar jamleg. Kontakt lege om du er usikker.
<b>11 Tilknyting til andre statar enn Noreg</b>	
11.1	Grei ut dersom du nokon gong har hatt økonomiske interesser i utlandet som påverkar privatøkonomien din. Døme på økonomiske interesser kan vere forretningsdrift, lønn, stipend, trygdeytingar og liknande. Spesifiser stat/land. <i>Eigarpartar i aksjefond, aksjar i multinasjonale selskap og liknande skal ikkje førast opp.</i>
11.2	Grei ut dersom du nokon gong har sendt pengar til eller teke imot pengar frå utlandet i form av gåver, lønn, trygd, stipend e.l. Spesifiser stat og formål. <i>Spørsmålet gjeld ikkje støtte til internasjonale humanitære organisasjonar eller betaling for lovlege varer og tenester.</i>
11.3	Grei ut dersom du nokon gong har vore tilsett i eller utført tenester eller oppdrag for styresmaktene til andre statar. Spesifiser stat og forhold. Eit døme kan vere om du har vore kalla inn til, har gjennomført og/eller har søkt militærteneste eller andre tilsetjingsforhold hos styresmaktene til andre statar.
11.4	Grei ut dersom du nokon gong har hatt formell eller uformell kontakt, anten du sjølv har teke kontakt eller har blitt kontakta, med ein representant frå ambassaden eller konsulatet til ein annan stat i Noreg eller utlandet. <i>Spørsmålet gjeld ikkje kontakt i samband med ordinær søknad om pass, visum eller utanlandsk adopsjon.</i>
11.5	Grei ut dersom du har hatt opphold på meir enn tre månader eller gjentekne kortare opphold i andre statar. Stat og formål med opphaldet må gå fram av utgreiinga. <i>Adresser er ikkje nødvendig. Opphold på over eitt år fører du ikkje opp her, men i pkt. 2.24 til 2.28.</i>
11.6	Grei ut dersom du nokon gong har teke kontakt med eller har blitt kontakta av personar som du har oppfatta kan vere representantar for utanlandsk etterretning. Ei etterretningsteneste hentar inn, omarbeider og analyserer informasjon som kan utgjere ein potensiell trussel mot nasjonale interesser.
11.7	Grei ut dersom du har gyldig pass eller andre ID-dokument (til dømes nasjonalt ID-kort eller førarkort) frå andre statar. Spesifiser frå kva statar.
11.8	Grei ut dersom du til dømes har ei kjenslerelatert tilknyting til andre statar som ikkje nødvendigvis er relatert til statsborgarskap eller anna familiær tilknyting. Grei ut dersom du er knytt til organisasjonar, nettverk eller andre tilsvarande aktørar i andre statar som du trur kan utgjere ein tryggleiksrisiko ved å presse, truge, freiste eller leie deg til å handle i strid med tryggingsinteresser.
11.9	Grei ut dersom du har nærståande som er busette utanfor Noreg. Før opp namna deira og kva land dei bur i.
11.10	Grei ut dersom nokon av dei nærståande nokon gong har hatt eigedom, investeringar og/eller andre økonomiske interesser i utlandet som påverkar privatøkonomien deira. Døme på andre økonomiske interesser kan vere forretningsdrift, lønn, stipend, trygdeytingar og liknande. <i>Eigarpartar i aksjefond, aksjar i multinasjonale selskap og liknande skal ikkje førast opp.</i>
11.11	Grei ut dersom nokon av dei nærståande nokon gong har sendt pengar til eller teke imot pengar frå utlandet, i form av gåver, lønn, trygd, stipend e.l. Spesifiser stat og formål. <i>Spørsmålet gjeld ikkje støtte til internasjonale humanitære organisasjonar eller betaling for lovlege varer og tenester.</i>
11.12	Grei ut dersom nokon av dei nærståande nokon gong har vore tilsett i eller utført tenester eller oppdrag for styresmaktene til andre statar. Spesifiser stat og forhold. Eit døme kan vere om nokon av dei nærståande har vore kalla inn til, har gjennomført og/eller har søkt militærteneste eller andre tilsetjingsforhold hos styresmaktene til andre statar.
11.13	Grei ut dersom nokon av dei nærståande nokon gong har teke kontakt med eller har blitt kontakta av personar som du har oppfatta kan vere representantar for utanlandsk etterretning. Ei etterretningsteneste hentar inn, omarbeider og analyserer informasjon som kan utgjere ein potensiell trussel mot nasjonale interesser.

## Rettleiing til utfylling av personopplysningsblanketten

11.14	Grei ut dersom nokon av dei nærståande har eller nokon gong har hatt statsborgarskap eller pass frå andre statar. Spesifiser frå kva stat.
11.15	Grei ut dersom nokon av dei nærståande til dømes har ei kjenslerelatert tilknyting til andre statar som ikkje nødvendigvis er relatert til statsborgarskap eller anna familiær tilknyting. Grei ut dersom nokon av dei nærståande er knytte til organisasjonar, nettverk eller andre tilsvarande aktørar i andre statar som du trur kan utgjere ein tryggleiksrisiko ved å presse, truge, freiste eller leie dei til å handle i strid med tryggingsinteresser.

### **12 Andre tryggleiksopplysningar**

12.1	Etterretningstenester i framande land prøver å rekruttere kjelder og kartlegge personar og verksemder i Noreg. Etterretningsoperasjonane er nøye planlagde, og utviklinga av potensielle kjelder kan gå over fleire år. Dei same arbeidsmetodane kan nyttast av organisasjonar/grupper som er knytte til terror eller anna tryggleikstrugande verksemd. Det er derfor viktig at du tenkjer over om du har hatt kontakt med slike aktørar, og at du gjer greie for dette.
12.2	Organiserte kriminelle nettverk kan av ulike årsaker ha interesse av informasjon som tryggleiksklarert personell har tilgang til. Dei kan utnytte sosiale, profesjonelle og økonomiske relasjonar for å nå måla sine. Det er derfor viktig at du tenkjer over om du har hatt slik kontakt, og gjer greie for dette.
12.3	Har du svart Ja på spørsmål i punkt 12.3 om nokon av dine nærståande har hatt slik kontakt som nemnt i punktet, må du gi ei utfyllande utgreiing i tekstfeltet under punkt 12 om din relasjon til den nærstående, og kva forholdet dreier seg om.
12.4	Har du svart Ja på spørsmålet i punkt 12.4 om nokon av dine nærståanda har vore politimeld og/eller straffa i Norge, eller utlandet, må du gi ei utfyllande utgreiing i tekstfeltet under punkt 12 om din relasjon til den nærstående, kven det gjeld, og kva forholdet dreier seg om.
12.5	Skriv ned det du meiner er relevant i denne samanhengen.

### **13 Noværande sambuar/ektefelle/partner**

Oppgi namnet på personen du bur i lag med. Dette gjelder sjølv kva for et tryggleiksnivå det er forespurnad om for deg.

### **14 Nærståande du har anna tilknyting til**

Har du har svart Ja på nokon av spørsmåla i punktane 11.9-11.15 og 12.3-12.4 om dine nærståande, skal relasjonen og namnet på denne personen førast opp i personopplysningsblanketten punkt 14 dersom denne relasjonen ikkje omfattast av punktane 15-20. Dette gjelder sjølv kvar for et tryggleiksnivå det er gjort forespurnad om for deg.

### **13, 14, 15, 16, 17, 18, 19, 20 Opplysningar om nærståande personar** (definisjonen av nærståande på side 2). Nærståande som er døde, skal berre førast opp i personopplysningsblanketten med for- og etternamn.

.1	Fornamn/etternamn på den nærståande. Du må òg føre opp tidlegare namn. Dette gjeld spesielt dersom personen har budd i utlandet.
.2	Du må skrive på fødselsnummer (11 siffer) for alle nærståande som er omfatta av personkontrollen på det aktuelle klareringsnivået. Som et minimum skal fødselsdato oppgjevast. Dersom personen er utanlandsk statsborgar utan norsk personnummer, fyller du ut fødselsdato (ddmmååå).
.3	Dersom personen er utanlandsk statsborgar utan norsk personnummer, fyller du ut D-nummer dersom han eller ho har fått tildelt dette.
.4	I kva by / på kva stad er den/dei nærståande fødd(e)?
.5	I kva land er den/dei nærståande fødd(e)?
.6	Du skal berre skrive <u>eitt</u> noverande statsborgarskap her.
.7	Kva dato fekk personen det noverande statsborgarskapet sitt?
.8	Dersom personen har dobbelt statsborgarskap, svarer du «Ja» på punktet. Har personen gyldig statsborgarskap frå andre land? Skriv kva land det gjeld, og frå kva dato.
.9	Dersom personen tidlegare har hatt statsborgarskap frå ein annan stat, skal du skrive kva land det gjaldt, og datoer for når dette statsborgarskapet ikkje gjaldt lenger. <i>Dersom du er usikker på om personen har eller har hatt statsborgarskap frå andre land, bruker du svaralternativet «Ja» og gir deretter nærmare opplysningar i merknadsfeltet i punkt 22.</i>
.10	Med utanlandsadresser meiner vi adresser utanfor Noreg. Les om utanlandsopphold og bustadadresse utanfor Noreg på side 3.

# Rettleiing til utfylling av personopplysningsblanketten

	<p>Skriv fullstendig bustadadresse: gatenavn/gatenummer/husnummer/postnummer. Postboksadresse er ikkje nok. Namn på eller adresse til ein studieinstitusjon, ein ambassade eller ei militær avdeling er ikkje tilstrekkeleg for personkontroll i utlandet. I dei tilfella der opphald til nærliggande samsvarer med ditt eige opphold (både adresse og tidsrom), kan du referere til di eiga adresse i staden for å skrive den same adressa fleire gonger.</p> <p>Ved utanlandsadresser skal du leggje ved utskrift frå Google Maps eller andre liknande karttenester, i den grad det er mogleg å skaffe slik dokumentasjon, for å verifisere adressa.</p> <p>Postnummer/postkode zipcode er ein kode som hjelper postverka å sortere post automatisk. Oppbygginga av kodane varierer frå land til land.</p> <p>Skriv by/stad (poststad), land og tidsrommet for opphaldet (mm.åå–mm.åå).</p>
13.11	Har du felles barn saman med ein noverande sambuar/ektefelle/partnar, skal du opplyse om dette og kryss av for Ja.

## 21 Referansar

Skriv to referansar. Den eine bør kjenne deg frå utdanning eller arbeid, den andre frå private samanhengar. Referansane skal ikkje vere nærliggande. Referansane skal vere kjende med at dei er ført opp som referansar for deg. Dersom det ikkje er mogleg å skaffe den typen referansar som er nemnde ovanfor, informerer du om dette i punkt 22.

## 22 Merknader/kommentarar

Dette feltet er til din bruk. Dersom du treng meir plass, må du nyte og leggje ved vedlegg. Du må nummerere eigne vedlegg og merkje dei med fullt namn og fødselsdato øvst på kvar side.

## 23 Kor mange vedlegg?

Dersom du har behov for meir plass enn det blanketten gir, til dømes til å gjøre greie for eit forhold eller opplyse om fleire nærliggande personar, skal du nyte eit eige nummerert vedlegg.

Nummerer alle vedlegg, og skriv fullt namn og fødselsdato øvst på kvar side. Skriv inn det samla talet på vedlegg i dette feltet.

## 24 Samtykke og underskrift

Ved å signere stadfestar/samtykkjer du:

- å ha lest og forstått denne rettleiinga
- samvitsfullt og etter beste evne har svart på spørsmåla på personopplysningsblanketten for tryggleiksklarering.
- at personkontroll kan gjennomførast.
- at du er merksam på at dersom du ikkje gir rette og fullstendige opplysningar, kan dette påverke utfallet av klaringsavgjerdene.

Er du under 18 år skal du og dine foreldre eller føresatte signere på dokumentet «*Samtykke til personkontroll av person under 18 år*».

**Skriv fullt namn og fødselsdato øvst på kvar side i blanketten.** Dette er viktig for å tryggje behandlinga av personinformasjon i saksbehandlingsprosessen.

## 25 Klaringsavgjerd

Dette punktet er berre for klareringsstyresmakta. Det blir fylt ut etter at klaringsavgjerdene er teken.

## 26 Samtykke til ny personkontroll ved fornying av tryggleiksklarering innanfor gyldigkeitstida for klareringa.

Dersom denne versjonen av personopplysningsblanketten framleis er gyldig, kan ein nyte han ved førespurnad om ny tryggleiksklarering.

Førespurnaden må sendast innanfor gyldigkeitstida til klareringa.

Her skal du stadfeste at du har gått gjennom blanketten nøyde i samband med fornya personkontroll. Kryss av i ein av rubrikkane i dette punktet. Dersom du har utført endringar på aktuelle stader på personopplysningsblanketten, må du opplyse om kva punkt du har endra på. Dette skriv du i merknadsfeltet (punkt 22).

Ved å signere samtykkjer du i at personkontrollen kan gjennomførast.